

# **BOLETIN INFORMATIVO TOKANTE REPORTAHE EFEKTO RIBA MEDIO AMBIENTE**

Ordenansa maneho di naturalesa Bonaire

## **Garantia pa tomo di desishon kuidadoso.**

Un reportahe enkuanto efekto riba medio ambiente ta un investigashon pa di antemano tin tur informashon riba posibel konsekuensia ku un proyekto tin pa naturalesa i medio ambiente. Pa Bonaire e ta un nesesitat pasobra por konsiderá henter e isla komo un kosta vulnerabel. Riba i rondó di e isla tin un naturalesa mashá delikado ku ta forma e ‘motor bèrdè’ pa nos ekonomia. Ta mas ku klaro ku mester atendé ku kuidou.

Tambe pa desaroyadónan di proyekto un reportahe riba efekto riba medio ambiente ta un instrumènt atraktivo pa hasi e mihó eskoho. Solushonnan ekológikamente sano ta resultá di ta mas barata i efisiente ku plannan original.

## **Aktivatnan**

E base pa un reportahe tokante efekto riba medio ambiente ta artíkulo 16 di Ordenansa maneho di naturalesa Bonaire (A.B. 2008, no. 23). Un reportahe tokante efekto riba medio ambiente ta nesesario pa aktivitatnan ku por tin posibel efektonan sumamente negativo pa naturalesa, òf ku por hasi konsiderabel daño na bunitesa di e paisahe. Den artíkulo 21 di Dekreto maneho di naturalesa Bonaire (A.B. 2010, no 15) ta mensioná e aktivitatnan indiká. Ta trata di 25 diferente aktivitat. Nos por pensa riba trabounan grandi di infrastruktura, saka mineral i prosesamentu di sushi.

## **Kontenido di un reportahe tokante efekto ambiental**

Publisidat, amplio posibilidat pa partisipashon, i desishon kuidadoso

ta forma e núkleo di un reportahe tokante efekto riba medio ambiente. Ta pone atenshon tambe riba protekshon di hende, bestia, vienes, awa, suela i aire. Tambe protekshon di balornan di naturalesa i balornan kultural – históriko ta hunga un ròl. Ademas ta wak ku e proyekto ta kuadra den e ambiente.

Kontenido di un reportahe tokante efekto riba medio ambiente ta deskribí den anekso II di Dekreto maneho di naturalesa. En breve un reportahe tokante efekto riba medio ambiente ta trata e siguiente tópikonan.

- a. deskripsjon di e aktivitat i e manera kon ta ehekut’é;
- b. deskripsjon di un posibel alternativa pa e aktivitat;
- c. un opinion preliminar di kolegio ehekutivo (BC) riba e aktivitat i un resúmen di desishonnan tumá pa kolegio ehekutivo (BC) riba e

- aktivitat òf e posibel alternativanan ku a skohe;
- d. deskripshon di e situashon eksistente di e medio ambiente i di e desaroyo di e medio ambiente si e aktivitat òf posibel alternativanan no tuma lugá;
  - e. deskripshon di e konsekuensianan pa e medio ambiente, ku e aktivitat òf e alternativanan por kousa, i e manera kon e konsekuensianan ta stipulá i deskribí;
  - f. un komparashon di e deskripshonnan menshoná na puntonan di e;
  - g. un resúmen di fayonan den e deskripshonnan, menshoná na puntonan di e pa motibu di falta di dato;
  - h. un resúmen fásil pa lesa di e reportahe tokante efekto ambiental.

### **Prosedementu reportahe tokante efekto riba medio ambiente**

E prosedementu legal ta inisiá ku un dokumento den kua e desaroyadó di e proyekto ta divulgá su plannan. Ta sosodé ku ya hopi biaha e desaroyadó tabatin kontakto ku kolegio ehekutivo (BC) òf ámtenarnan. E dokumento ta públiko i por konsult'é. Tur hende ku ta deseá pa les'é tin e oportunitat. Via di aviso den algun korant kolegio ehekutivo (BC) ta duna publisidat na esaki. Den e aviso ta splika tambe kon por reakshoná por eskrito, kon por hasi proposishon tokante e instrukshonnan ku ta konserní e reportahe tokante efekto riba medio ambiente. Kolegio ehekutivo por pone un aviso un tiki mas ekstenso i organisá tambe momentunan di konsulta públiko. E partisipashon ta aportá ku proposishonnan tokante e instruk-

shonnan ku ta konserní e reportahe tokante efekto riba medio ambiente. Kolegio ehekutivo ta nombra pa kada reportahe tokante efekto riba medio ambiente un komishon di profeshonalnan bou di e nòmber komishon pa reportahe tokante efekto riba medio ambiente. E komishon ta konsehá kolegio ehekutivo riba e instrukshonnan pa e reportahe tokante efekto riba medio ambiente. E instrukshonnan ta konsistí di un lista di tópiko i preguntanan riba kua e reportahe tokante efekto ambiental ta duna kontesta. Kolegio ehekutivo ta stipulá e instrukshonnan. Natural ta balorá e plan di e desaroyadó. Ta investigá e manera kon ta ehekutá e plan. Den e reportahe tokante efekto riba medio ambiente mester investigá tambe e plannan alternativa. Ta investigá kiko lo por ta e konsekuensianan si nada sosodé; si e situashon keda manera e ta aktual.

E desaroyadó ta laga ehekutá e estudio manera e instrukshonnan aseptá ta indiká. Hopi biaha e ta inkorporá den e ehekushon un kompania ku ta duna konseho òf un universidat. Ora e reportahe ta kla, kolegio ehekutivo ta evaluá si e ta kuadra ku e instrukshonnan. Si esaki no ta e kaso e desaroyadó di proyekto ta haña oportunitat pa ahustá e reportahe. Konseheronan manera DROB i komishon maneho di naturalesa Bonaire ta duna kolegio ehekutivo konseho. Si kolegio ehekutivo aseptá e reportahe ta habri e oportunitat pa públiko haña partisipashon i duna konseho riba e reportahe i e petishon pa pèrmit. Kolegio ehekutivo ta organisá momentunan di konsulta públiko i tur

interesado i konsehero ta haña durante un sierto periodo oportunidad pa duna komentario. E komentario, preferibel por eskrito, por toka tantu e reportahe tokante efekto riba medio ambiente komo e petishon pa pèrmit. Ora esaki tuma lugá e komishon di reportahe tokante efekto riba medio ambiente ta duna su konseho si e reportahe ta korekto, kompletu i tambe riba kalidat di e reportahe. E komishon ta investigá tur remarke i konseho ku a drenta. Kolegio ehekutivo ta tuma na final un desishon riba e proyekto teniendo kuenta ku e reakshon i konsehonan ku a drenta i e konsekuensianan pa

e medio ambiente. E kolegio ta motivá den su desishon kiko a hasi ku e resultadonan di e reportahe tokante efekto ambiental.

E desishon i e motivashon ta públiko. Na final kolegio ehekutivo ta disidí kon i na ki momentu ta evaluá e proyekto. Na e momentu ei kolegio ehekutivo huntu ku e desaroyadó di proyekto ta pone riba un rei e berdadero konsekuensianan pa medio ambiente. Kolegio ehekutivo ta konsultá na su turno ku Komishon maneho di naturalesa Bonaire i ta tuma si ta nesesario medidanan adishonal pa limitá e konsekuensianan pa medio ambiente.

### **E prosedimentu di reportahe tokante efekto riba medio ambiente den 13 stap.**

#### **Kiko?**

#### **Ken?**

- |  |                        |
|--|------------------------|
| 1. Documento di inisio   | desaroyadó di proyekto |
| 2. Publiká e dokumento di inisio i organisá oportunidad pa partisipashon   | kolegio ehekutivo      |
| 3. Konsipiá konseho tokante e instrukshonnan tokante efekto riba medio ambiente  | komishon reportahe     |
| 4. Stipulá instrukshonnan  | kolegio ehekutivo      |
| 5. Konsipiá reportahe tokante efekto riba medio ambiente   | desaroyadó di proyekto |
| 6. Evaluá ku ta trata e reportahe tokante efekto riba medio ambiente i e petishon pa pèrmit                            | kolegio ehekutivo      |
| 7. Publiká e petishon pa pèrmit i reportahe tokante efekto riba medio ambiente i organisá oportunidad pa partisipashon | kolegio ehekutivo      |
| 8. Konseho si e reportahe ta korekto, kompletu tokante efekto riba medio ambiente i tambe                              | komishon reportahe     |

riba kalidat di e reportahe

- |  |                                       |
|--|---------------------------------------|
| 9. Konseho tokante reportahe tokante efekto<br>riba medio ambiente                                 | Komishon maneho<br>naturalesa Bonaire |
| 10. Desishon tokante pèrmit i stipulá un fecha di<br>evaluashon                                    | kolegio ehekutivo                     |
| 11. Ehekutá evaluashon<br>ta doño di e pèrmit  | kolegio ehekutivo ku esun             |
| 12. Konsipiá reportahe di evaluashon<br>ku ta doño di e pèrmit                                     | kolegio ehekutivo i esun              |
| 13. Konsultá ku Komishon maneho<br>di naturalesa Bonaire i stipulá<br>eventual medidanan ambiental | kolegio ehekutivo                     |

## NOS NATURALES TA NOS TESORO!

E boletin informativo aki ta kontené un reprodukshon kòrtiku i liber di e disposishonnan legal. Den kaso di un konflikto bo no por basa bo mes riba e publikashon aki. Den un kaso asina konsultá semper e leinan i e areglonan.



**Kolofon:**

Boletin informativo Medio Ambiente i Naturalesa nr. 1210 09 P  
desèmber 2010

Identidat Públiko Bonaire  
Dienst Ruimtelijke Ontwikkeling en Beheer  
Sekshon Medio Ambiente i Maneho di Naturalesa  
Kaya Amsterdam 23  
Kralendijk  
Tel: 717 - 8130  
Faks: 717 - 6980

[www.bonairegov.an](http://www.bonairegov.an)